



KOMUNIKADO PA PRENSA

Fecha

27 di aprel 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

TRABOUNAN DI PREPARASHON PA MARKAMENTU DI KAMINDA

Willemstad – Minister Suzy Camelia-Römer huntú ku Servisio pa Obra Públiko ta bai inisiá pronto e trabounan pa markamentu di e kaminda rònt Schottegat i Emancipatie Boulevard Don Martina. E trabounan aki lo wòrdu ehekutá pa e kontratista MNO-Vervat. Den kuadro di esaki, e kontratista lo kuminsa hasi trabounan di preparashon riba e kareteranan aki for di 28 di aprel te ku 15 di mei.

E trabounan aki ta ensera limpiamentu di kaya, drechamentu di partinan chikitu di asfalt kaminda mester bini e markashon i tambe kita e markashonnan ku ta den mal estado.

E kontratista ta hasi uso di su makinarianan pa hasi e trabounan ariba menshoná i durante di e trabounan lo sera solamente un ban ‘rijstrook’ di manera ku e kaminda ta keda aksesibel pa tráfiko.

Riba djadumingu 8 di mei lo sera Emancipatie blvd Don Martina for di 6or di mainta te 2or di mèrdia pa por hasi e trabounan di preparashon na e krusada di Dokweg.

Servisio pa Obra Públiko, Departamentu Tékniko di Polis i e kontratista MNO-Vervat ta pidi tur outomobilista pa tene debito kuenta ku eventual kambionan kaminda e trabounan ta tuma lugá. Por fabor kore ku koutela. Tambe ta spera kompreshon i ta gradisí di antemano pa e koperashon.